

1296 Juni 30 Frankfurt.

[33

70 Erzbischof Sigfried von Cöln erteilt dem Prior in Flaesheim und dem Pfarrer in Dorsten Auftrag, die neugewählte Äbtissin von Breden zu investieren.

Sifridus Dei gratia sancte Coloniensis ecclesie archiepiscopus, sacri imperii per Ytaliam archicancellarius, dilecto in Christo celerario seu priori in Vlareshem et plebano in Durstene Machario salutem in Domino. Cum Sophiam de Pufflike, abbatisam ecclesie in Vredene, prout ad nos pertinet, de consuetudine antiqua hactenus pacifice observata consideratis considerandis circa personam suam et meritis eligencium secundum tenorem decreti sue electionis aliisque processibus super sua electione habitis in abbatisam secularis ecclesie in Vredene confirmaverimus spiritualium et temporalium amministrationem dicte ecclesie eidem committendo, vobis et cuilibet vestrum in virtute sacre obedientie mandamus, quatinus ad dictam ecclesiam in Vredene personaliter accedentes convocatis conventu et populo ipsius ecclesie ipsam Sophiam de ipsa abbazia investiatis vice nostra in corporalem possessionem antedicte ecclesie, in quibuscunque rebus consistat, scilicet corporalibus seu incorporalibus, eandem mittendo, precipientes universis et singulis de conventu ac subditis ipsius abbatisse quibuslibet, ut dicte abbatisse Sophie tamquam sue vere prelate et abbatisse in omnibus reverenter obediant et intendant, contradicentes per censuram ecclesiasticam comp[escendo]!). In hiis exequendis alter alterum non expectet. Reddite litteras et quid in premissis feceritis, fideliter rescribatis. Datum apud Vrankenvort II Kal. Julii anno Domini M^oCC^o nonagesimo sexto.

Transjumpt in Litfunde von 1296 Juni 19 = Nr. 34; Lade 217, 1 Nr. 15.